



隋唐文苑



文懷沙 ◆ 主編

第五十八卷

古吳軒出版社

文懷沙 ◆ 主編

# 隋唐文叢

第五十八卷

上海大學「大學叢書」

古吳軒出版社

圖書在版編目(CIP)數據

隋唐文明／文懷沙主編．《隋唐文明》編纂委員會編．

蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中

國—隋唐時代 IV. Z121.7

中國版本圖書館CIP數據核字(2004)第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明

主編：文懷沙

出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

印刷：江蘇淮陰新華印刷廠

本：889×1194 1/16

開印張：4027.5

總印數：1000冊

版次：2005年3月第1版

印次：2005年3月第1次印刷

號：ISBN 7-80574-857-8/K·001

定價：38000.00圓(全100卷)

# 隋唐文明

## 第五十八卷目錄

全隋唐文八

欽定全唐文二千卷（六）（卷二五二至三〇二）

〔清〕董誥等纂

三

全隋唐文

八





欽定全唐文卷二百五十二目錄

蘇頌三

授嗣鄭王希言右衛大將軍制

授李延昌左金吾衛大將軍制

授郭虔瓘右驍衛大將軍等制

授周仁軌左羽林大將軍制

授薛訥右羽林軍大將軍制

授高仙芝右羽林軍大將軍制

授唐先擇左金吾衛將軍等制

欽定全唐文卷二百五十二

目錄

授安金藏右驍衛將軍制

授楊敬述右羽林將軍制

授許輔虔左羽林將軍制

起復杜賓客右威衛將軍制

授姚崇都檢校諸軍大使李義甫副使制

授宋王成器太子太師制

授唐休璟太子少師制

授岐王範太子少師等制

授韋嗣立太子賓客制

授鄭惟忠太子賓客制

授畢構太子詹事制

授沈佺期太子少詹事等制

授裴君士太子少詹事制

授姚元之等兼太子庶子制

授韋抗太子左庶子制

授崔珪太子左庶子制

授崔秀太子左庶子等制

授郭虛已太子左庶子制

欽定全唐文卷二百五十二

目錄

授于光寓太子中允制

授李察太子中允制

授魏愬太子司議郎制

授張肩太子司議郎制

授許誠威太子司議郎等制

授楊預太子右諭德制

授王珣太子左贊善大夫制

授蘇徽太子右贊善大夫制

授吳昇太子左贊善大夫制

授寶元泰太子洗馬制

授李思諒太子洗馬等制

授蕭嵩太子舍人制

授姚弈太子舍人制

授崔縝太子舍人制

授崔宥太子舍人制

授向遊仙義王府長史等制

授柳沖兼溫王師制

授楊廉陝王傳制

欽定全唐文

卷二百五十二

目錄

三

授崔子源岐王府長史制

授王守廉申王府長史制

授魏明彭王府長史制

授田幹之溫王府司馬制

授宋璟兼京兆尹制

授蕭瑤京兆尹制

授李傑河南尹制

授畢構河南尹制

授秦守一京兆少尹制

授白知慎河南少尹制

欽定全唐文

卷二百五十二

目錄

四



欽定全唐文卷二百五十二

蘇頌

授嗣鄧王希言右衛大將軍制

文苑英華卷四〇一  
唐大詔令集卷三八

門下銀青光祿大夫太僕卿員外置同正員上柱國嗣鄧王希言才推近屬行策中和用沈毅以爲謀體直方而成器類外列棘之位嘗踐執金之秩歷官斯久更事逾深必在親賢用膺心膂宜領右軍之寄仍直大將之任可雲麾將軍守右衛大將軍勲封如故

授李延昌左金吾衛大將軍制

文苑英華卷四〇一

欽定全唐文卷二百五十二

蘇頌

一

黃門兵戈之容是憑於師律與馬之飾允屬於徵巡自匪周才孰當茲任衛尉卿兼檢校左金吾衛大將軍上柱國李延昌倜儻爲用堅剛立誠學優典墳言綜韜畧賈勇聞義則輕於九死好謀盡忠則隱如一敵自膺刺殺之寵雅叶彈違之務正名不拜何以光於執金教戰或忘何以勵其投石宜踐述於中尉俾嚆能於亞夫可右雲麾將軍守左金吾衛大將軍勲封如故仍充朔方後軍大總管

授郭虔瓘右驍衛大將軍等制

文苑英華卷四〇一

黃門有功必賞闕三勸所以教人立志爲邦作程者也雲

虔將軍檢校右驍衛將軍兼北庭都護瀚海軍經署使金山道副大總管招慰管田等使上柱國太原縣開國公郭虔瓘宣威將軍守右驍衛朔方中郎將檢校伊州刺史兼伊吾軍使借紫金魚袋上柱國介休縣開國公郭知運等負將帥之才展熊羆之効義烈忠壯以詢其誠智謀勇敢不從其策頃者邊庭之際孤城獨守戎羯困乏歲時圍逼矢石交下金湯自堅護甘漢之所歷懷范羌而莫至獨能宣我王命殲其士力不顧左股仍於右斷厥功至矣朕甚嘉之宜登絕席之任方盛題坐之禮虔瓘可冠軍大將軍

欽定全唐文卷二百五十二

蘇頌

二

右驍衛大將軍知運可雲麾將軍右驍衛將軍餘各如故仍各賜衣一副并金帶主者施行

授周仁軌左羽林大將軍制

文苑英華卷四〇一

門下周禮命卿六師成務漢圖拜將三傑雄才光祿大夫行光祿卿兼檢校并州大都督府長史上柱國汝南郡開國公周仁軌執心剛強臨事果決衛青奉法必讓其功師丹守正每聞其直彼汾之閒近胡之備更人仰化戎虜憚威羽翼任隆爪牙寄重宜光絕席用應題坐可鎮軍大將軍行左羽林衛大將軍兼檢校并州大都督府長史勲封

如故主者施行

授薛訥右羽林軍大將軍制

文苑英華卷四〇一

黃門出師禦寇功成於告捷振旅休兵禮備於行賞攝左羽林軍將軍借紫金魚袋薛訥勲閭良將邦家老臣讀太公之立言受穰苴之爲法德業中遠墻仞罕窺智謀宏遠泉源不竭須佇公孫之勳頗鑄孟明之罪遂能長驅隴上深入湟中殲厥犬戎殘其藎毒野無遺孽朝有茂勲宜膺設壇之寵俾光期門之寄可右羽林大將軍上柱國河東郡開國公仍賜物三百段銀五百兩錢二百貫主者施行

欽定全唐文

卷二百五十二

蘇頌

三

授高仙芝右羽林軍大將軍制

文苑英華卷四〇一

門下四鎮經畧副使前右羽林軍大將軍員外置同正員密雲縣開國男賜紫金魚袋上柱國高仙芝素稱驍悍兼聞智畧久在戎場風推武用才有所通禮則從權宜復官資更爲邊扞可起復右羽林軍大將軍員外置同正員

授唐先擇左金吾衛將軍等制

文苑英華卷四〇二

門下右金吾衛將軍唐先擇名公之允理識公明左金吾衛將軍呂休琳良將之材智謀深遠雖東西列衛俱賴其人宗族聯官所宜迴避俾從易位用叶朝恩先擇可左金

吾衛將軍休琳可右金吾衛將軍餘如故

授安金藏右驍衛將軍制

文苑英華卷四〇二

黃門游騎將軍行右武衛翊府中郎將員外置同正員直太常寺安金藏家本孝悌身金忠懇往往周朝困於酷吏共誣良善敢謗太皇不任楚毒並加刑憲金藏乃自刺心肺見其誠節因而悟生實賴斯人則宏演納肝田光吞舌求之既往未足爲喻眷言酬德自可超倫彰其貞固之美拜以誰何之任可右驍衛將軍員外置同正員餘如故主者施行

欽定全唐文

卷二百五十二

蘇頌

四

授楊敬述右羽林將軍制

文苑英華卷四〇二

黃門瞻彼元闕衛於丹禁命將擇人制軍爲旅雲麾將軍檢校右羽林將軍上柱國楊敬述心堅鐵石器蘊璋璋以俊穎之才有溫讓之美附枝中葉則藝極於彫弓咀實含英則詞殫於絲札自五營高選千廬入侍忠而作訓勅以宣威俾寵誰何正其名秩可右羽林軍將軍勲封如故

授許輔虔左羽林將軍制

文苑英華卷四〇二

黃門國之武士其盛如林朕之賢臣其貞匪石則可以制軍而作訓也雲麾將軍檢校右羽林將軍賜緋魚袋上柱

國中國公許輔虔方外直內智崇禮卑備聞舊章好讀前史忠於事主信以庇人未嘗不抗節思齊立言致遠項除蛇豕之孽特建殊勲洎肅熊熊之旅蓋稱重器我之所賴爾實僉諧必也正名用監中候可左羽林軍將軍勲封如故

起復杜賓客右威衛將軍制

文苑英華卷四〇二

黃門雲麾將軍前檢校左監門衛將軍上柱國杜賓客志唯偶儻才稱果決聞鞞而立特壯三軍之氣奮劍而前將雄萬人之敵頃在艱劓甫懷忠勇金革是任春秋所稱俾欽定全唐文卷二百五十二 蘇頌

通權宜用光戎事可起復右威衛將軍勲如故主者施行

授姚崇都檢校諸軍大使李義甫副使制

唐大詔令集卷五十二

黃門廟堂之儀不可去兵帷幄之謀在於料敵自非行有餘力坐而決勝則何以威百蠻而破萬里者也兵部尚書兼紫微令監修國史上柱國梁國公姚崇朝廷宿望軍國大才蘊平仲之一心舉夷吾於六輔惟此人傑是稱天資銀青光祿大夫行黃門侍郎昭文館學士上柱國中山郡開國公李義甫用窮精微體自公直貞規踰於鐵石詞律比於笙簧左曹之美中朝所詠威能上言寵答備陳胡虜

閱武親對暗合孫吳項雖衆和以德軍全非戰或徵其侍子久詣闕廷或勞我偏裨尚留關塞行役之苦寒與弗忘師職謂何豫備斯在竹帛遙護之畧更屬遠安之算崇可都檢校諸軍大使義甫爲副主者施行

授宋王成器太子太師制

文苑英華卷四〇三唐大詔令集卷三五

門下孟侯之禮雖歸於冢允太伯之風實尚於高節左衛大將軍宋王成器幼而聰敏長則溫仁禮樂同歸質文相半孝以爲政每用因親忠而立誠所期尊主故能樂於爲善好在服儒占蟻穴以探微登雀臺而成賦自奄有梁宋欽定全唐文卷二百五十二 蘇頌

作藩邦家其儀孔臧其德可大朕之元子當踐副君以隆基有社稷大功神祇僉屬由是朕前懇讓言在必行天下至公誠不可奪爰符立季之典庶叶從人之願況別爲九州必資於牧伯貞夫萬國先佇於師傅式副僉諧之求仍先不拜之寵可雍州牧揚州大都督太子太師別加實封二千戶賜物五千段細馬二千匹奴婢十房金銀器皿二百事甲第一區良田三十頃餘如故主者施行

授唐休璟太子少師制

文苑英華卷四〇三

門下君臣之道欽若從父師保之寄人具爾瞻必在耆德

共康庶政特進前行尚書右僕射同中書門下三品上柱國宋國公致仕唐休璟自天錫夢維岳降精心竭忠公器包文武廟堂隆棟委以弼丞帷帳運籌推其決勝爰當宰任固辭授職私第懸車耆年益壯公門載馬朔見逾聞求舊所期懷賢是切諭於三善況待正人營於百工孰過元老宜紆几杖俾作鹽梅可行太子少師同中書門下三品散官勳如故

授岐王範太子少師等制

文苑英華卷四〇三  
唐大詔令集卷三五

黃門贊翼皇儲允歸師保崇敬叔父諒屬親賢統州刺史

欽定全唐文

卷二百五十二

蘇頌

七

上柱國岐王範秘書監兼幽州刺史上柱國薛王業等明允篤誠溫良恭儉忠孝先於令典文儒偉於成業自爲我藩翰擁其干旄雅聞召伯之詩尤羨魯公之政雖頒條是務而導禮兼資因入拜於承明佇來儀於博望範可太子少師統州刺史業可太子少保兼幽州刺史勳封等各如故主者施行

授韋嗣立太子賓客制

文苑英華卷四〇三

門下望園賓客非賢莫可中朝碩茂選衆攸歸銀青光祿大夫國子祭酒上柱國道遙公韋嗣立溫恭密靜孝悌忠

實鑒測毫端詞詮象外昆弟承一經之業登相者代不乏人闕門有萬石之風立言者士是則效嚆咭滿於故事潤色數於令典屬以疾辭用體張良之志資以德舉宜從綺季之遊可太子賓客散官勳封如故主者施行

授鄭惟忠太子賓客制

文苑英華卷四〇三

黃門元良之重賓友是擇自匪舊德執膺斯拜銀青光祿大夫守禮部尚書上柱國榮陽縣開國公鄭惟忠積溫厚之氣暢清純之風學綜幽蹟詞含比興履登近要見美徽猷不計直而徇名期後仁以爲利北斗喉舌雖屬於尚書南山調護更憑於耆老宜迴建禮之秩將益承華之格可守太子賓客散官勳封如故

欽定全唐文

卷二百五十二

蘇頌

八

授畢構太子詹事制

文苑英華卷四〇三

黃門攝生遂性義存於尚德去劇從簡禮切於優賢銀青光祿大夫守戶部尚書上柱國魏郡開國公畢構當代周才幹時良具臺閣推其簡練衣冠仰其全德而五教之重六官是先精以辨政勞而弱疾方欲憑於導引拯彼清羸暫踐寶嬰之職亟期呂蒙之愈可守太子詹事散官勳如故主者施行

授沈佺期太子少詹事等制

文苑英華卷四〇三

黃門正議大夫太府少卿昭文館學士上柱國吳興縣開國男沈佺期才標穎拔思詣精微早升多士之行獨擅詞人之律正議大夫行衛尉少卿上柱國楊崇禮神情凝正器識沉敏久聞忠義之風克樹循良之績儲閣總務卿寺推能佇執紀綱爰司帑藏佺期可太子少詹事餘如故崇禮可行太府少卿散官勲如故主者施行

授裴君士太子少詹事制

文苑英華卷四〇三

黃門正議大夫行殿中少監員外置同正員裴君士外以

欽定全唐文

卷二百五十二

蘇頌

九

凝正中惟雅實地稱垂棘之寶門降穠華之貴自邁迹朝行升榮御府尤聞密靜益重柔嘉亞彼儲端允符公選可太子少詹事主者施行

授姚元之等兼太子庶子制

文苑英華卷四〇四

勅元儲者萬國之貞端士者一時之選自匪英傑孰當調護銀青光祿大夫守兵部尚書同中書門下三品上柱國梁縣開國公姚元之中散大夫檢校吏部尚書同中書門下三品宋璟等並以賢良方正茂才異等著於天下揚於王庭忠而在公孝以爲政見義難奪立誠不回發揮文教

博綜儒術故能生此王國戴於朕躬屬少陽初建承華洞啟使股肱之良宣諭道德雖典厥二柄實務茲官必俟大臣俾兼中庶元之可兼左庶子璟可兼右庶子餘如故

授韋抗太子左庶子制

黃門銀青光祿大夫行兵部侍郎上柱國韋抗公直有檢清芳無欲自然禮儀飾以文雅臺閣許其精練縉紳推其望實故可以發揮夏簫光踐春華宜從綺季之遊益重王商之拜可行太子左庶子散官勲如故主者施行

授崔珪太子左庶子制

文苑英華卷四〇四

欽定全唐文

卷二百五十二

蘇頌

十

門下太子左庶子崔珪和氣由衷通才應物衣冠貴其雅道筆札資於利用官坊効職聲實攸歸曾是遽遷宜從後命可太子左庶子散官勲如故

授崔秀太子左庶子等制

文苑英華卷四〇四

門下古者官宿其業吏不數變將欲勸其始終因以別其能否若用捨非當遲速不倫是開趨競之門豈曰和均之道宗正少卿崔秀等名迹早著朝廷所推各効一官已經四稔誠器能有用久次當遷宜副食諧俾膺並命且承平日久從仕者多必憑考績方議進轉但須慎守豈滯其能

如或驟求是招其累速則不達謙而必亨凡今庶僚宜悉  
朕意可依前件

授郭虛已太子左庶子制

文苑英華卷四〇四

門下朝議郎守駕部員外郎兼御史中丞朔方節度行軍  
司馬關內道採訪處置使賜紫金魚袋郭虛已雅才明達  
和氣清深致遠之資文而飾吏徐雅之用剛且近仁累踐  
臺閣頻更任使懋功斯久賞善當遷擢以正人宜拜職於  
中庶增其寵服俾兼榮於獨坐可朝散大夫守左庶子兼  
御史中丞餘如故

欽定全唐文 卷二百五十二

蘇頌

十一

授于光寓太子中允制

文苑英華卷四〇四

黃門正議大夫行太子左贊善大夫于光寓立言踐行悅  
禮敦詩爲文可觀從吏不忝往登仙閣閑練駉聲洎在雄  
藩清公應物宜以大夫之列更增端士之華可行太子中  
允散官如故主者施行

授李察太子中允制

文苑英華卷四〇四

勅李察賓於諸侯之府者次於公朝之吏籍其參畫則就  
加甄擢獻其賢能則入選闕察事其長有勞可書昇於東  
朝因恩之請勉奉清秩無曠厥官可依前件

授魏慤太子司議郎制

文苑英華卷四〇四

勅朝議郎前行洛州錄事參軍魏慤措心和暢祇事清密  
擢選殊尤早從殿劇司州總錄已提郡吏之綱望苑求賢  
宜在正人之列可太子司議郎

授張肩太子司議郎制

文苑英華卷四〇四

勅朝議郎前守渭州司馬上柱國武城縣開國男張肩公  
清衆知虛白已任政先慈惠理尚仁明每執効官之心必  
聞奏課之首承華佇雋博望甄才用茲賢相之家宜在正  
人之列可行太子司議郎散官勳如故

欽定全唐文 卷二百五十二

蘇頌

十三

授許誠感太子司議郎等制

文苑英華卷四〇四

門下朝散大夫行殿中侍御史上柱國許誠感朝議大夫  
守澤州別駕上柱國嘉興縣開國子姚昌潤等或持邦憲  
才幹稱多或貳藩條公勤克著青官列侍元閣修文宜拜  
職於兩司仍佐軍於三蜀誠感可行太子司議郎昌潤可  
守著作郎仍充劍南節度判官勳封各如故

授楊禎太子右諭德制

文苑英華卷四〇四

黃門大中大夫前試剡王府長史上柱國鄭國公楊禎敬  
以安仁恭而合禮相門華胄夙著清徽王邸元寮復膺高

遷屬肇開於博望宜審論於承華可行太子右諭德餘如故主者施行

授王瑀太子左贊善大夫制

文苑英華卷四〇四

黃門通議大夫行宋王府諮議參軍上柱國王瑀雅清理識尤茂風檢藝能素優名教爲樂雍容朱邸已聞諷議之先侍從青官宜在文儒之列可行太子左贊善散官如故主者施行

授蘇徽太子右贊善大夫制

文苑英華卷四〇四

黃門正議大夫行絳州司馬上柱國蘇徽名公之訓能遠欽定全唐文

卷二百五十二

蘇頌

十一

清白才子馳聲特稱敏贍往從遷貶不詘姦邪遂使揚歷官次滯遺年序宜旌絳郡之康式龍青宮之列可太子右贊善大夫散官如故主者施行

授吳昇太子左贊善大夫制

文苑英華卷四〇四

黃門朝議大夫前守陝王府諮議參軍上柱國吳昇悟理明達用心微妙博以才藝精於談吐西園月上亟聞飛蓋之篇東陸春歸宜聽鳴笳之響可守太子左贊善大夫散官如故主者施行

授竇元泰太子洗馬制

文苑英華卷四〇四

勅昭成皇后四從叔朝議郎行黃州司馬竇元泰觀津之榮累擢外戚伏波之訓方裕後昆可勸導宗黨儀刑門族俾登洗馬之秩同系躍龍之戒可太子洗馬員外置同正員散官如故仍爲長檢校本族子弟事

授李思詮太子洗馬等制

文苑英華卷四〇四

勅朝散郎守忠王友翰林供奉兼侍諸王等書李思詮等官分望府名著周行咸以其長各施於用藩維樂善已陟於元良僚屬延恩俾遷於列位可依前件

授蕭嵩太子舍人制

文苑英華卷四〇四

欽定全唐文

卷二百五十二

蘇頌

十四

黃門朝請大夫殿中侍制史內供奉判尚書司勳員外郎上柱國蕭嵩沉密有才清方不競郎官御史已膺臺閣之求端士正人宜副官坊之選可行太子舍人散官如故主者施行

授姚弈太子舍人制

文苑英華卷四〇四

黃門中散大夫行鴻臚寺丞上柱國夏縣開國公姚弈循環禮與祗若謙柄清白爲事文章著名宜外景倩之才更拜當時之秩可行太子舍人散官如故主者施行

授崔縝太子舍人制

文苑英華卷四〇四

勅福建等州節度下都知館驛官朝散郎守大理司直賜  
緋魚袋崔縝爰貢藝文以飾吏事名參使局効著郵亭速  
置多方急宣應命類能舉賢懋賞分官俾膺儲宰之任仍  
踐憲臣之列可試太子舍人兼監察御史餘如故

授崔宥太子舍人制

文苑英華卷四〇四

勅殿中侍御史內供奉崔宥早循學行累踐班資尤推吏  
道之能克展官常之効頃持風憲備洽聲猷眷求正人列  
彼儲宰宜膺朝選式辨公才可守太子舍人

授向遊仙義王府長史等制

文苑英華卷四〇四

欽定全唐文

卷二百五十二

蘇頌

十五

勅奉議郎試太子左贊善大夫京兆府推勾官輕車都尉  
向遊仙奉議郎前行宣州司戶參軍京兆推勾官上護軍  
紀千鈞等各有藝能兼推吏幹通於文法檢以貞廉公勤  
不偷課効斯著俾遷階秩之寵仍加章服之榮遊仙可朝  
散大夫守義王府長史勲如故千鈞可太子通事舍人散  
官勲如故

授柳沖兼溫王師制

文苑英華卷四〇五

勅左散騎常侍兼修國史上柱國平陽郡開國公柳沖族  
茂汾鼎價珍垂璧雅負通才備聞遺訓探六經之奧如叩

鴻鐘窮百氏之源若披明鏡挾與切問侍從增榮擁簪崇  
儒師資佇德可兼溫王師

授楊廉陵王傳制

文苑英華卷四〇五

門下利建子弟旁求師傅委之訓導必舉方直銀青光祿  
大夫前岐州刺史上柱國歸義縣開國男楊廉外示靜默  
言將發而寡辭內敷條理德不孤而應物故能游藝聚學  
修官辨政臺閣盡清華之選吏人懷撫貨之餘儀則是稱  
參議斯在當肄業於鄴衍俾賦詩於韋孟可陝王傳勲封  
如故主者施行

欽定全唐文

卷二百五十二

蘇頌

十六

授崔子源岐王府長史制

文苑英華卷四〇五

黃門朝散大夫守尚書駕部郎中崔子源地緒清茂風襟  
亮拔有如繩之直懷匪石之心學不爲人文能飾吏憲曹  
白簡秋隼曾飛禮聞青纓晨鳧就列睦於藩邸親則舊甥  
俾踐端寮宜膺寵命可檢校岐王府長史散官如故仍追  
赴京主者施行

授王守廉申王府長史制

文苑英華卷四〇五

黃門朝議大夫守忠州刺史上騎都尉王守廉飭躬清苦  
居心孝悌往操簡憲已著厥聲洎頒條寄克修其政俾璫



筵之茂寵參碣館之元寮可申王府長史散官勲如故主者施行

授魏明彭王府長史制

文苑英華卷四〇五

勅銀青光祿大夫使持節建州諸軍事行建州刺史鉅鹿縣開國伯魏明才業可稱器能適用恪勤彰於事任綏緝著於公方考績有成班資可進宜從使局之請俾踐藩寮之職可行彭王府長史散官勲封如故

授田幹之溫王府司馬制

文苑英華卷四〇五

門下正議大夫行尚書主爵郎中上柱國田幹之聿修厥欽定全唐文

卷二百五十二

蘇頌

七

德孝稱於百行無玷斯言慎比於三復文儒每固其業清白用傳其範拜郎仙署已題京兆之名爲相寵藩式贊河間之美可行溫王府司馬散官勲如故主者施行

授宋璟兼京兆尹制

文苑英華卷四〇六

勅惟雍設都實難其理尹京鎮俗不易其才御史大夫上柱國廣平郡開國公宋璟天假直清時歸方正端莊以立森憲遷於望風果斷而行綱維成於不日衣冠所重人更攸欽俾承彈糾之餘仍綜浩穰之劇可兼京兆尹餘如故授蕭瑒京兆尹制

文苑英華卷四〇六

黃門九牧之重列爲州伯四方之則求於京尹或匪其才莫庸茲任左散騎常侍上柱國東都留守蕭瑒體峻而整氣剛而直慎必兼清文能飾吏慈惠可以應務嚴明可以訓人故當權豪革心貴戚斂手三王迭拜況其甫嗣家聲二鮑相承未若累光朝聲休命斯允食言所屬可京兆尹勲如故主者施行

授李傑河南尹制

文苑英華卷四〇六

黃門迺眷清洛常聞舊尹重臨黃霸欽若古人銀青光祿大夫陝州刺史上柱國武威縣開國子李傑適務宏才徇欽定全唐文

卷二百五十二

蘇頌

天

公清節以言博物貞固幹事當其奉所任罄厥心必欲存於周密曾不顧於險夷可謂國之良吏朝之蓋臣宜迴陝服之委更允河都之借可河南尹勲封如故依舊充水陸轉運使主者施行

授畢構河南尹制

文苑英華卷四〇六

黃門洛陽設都海內均土自匪選衆瞻能尹京蒲州刺史上柱國平陽郡開國公畢構純懿篤密直方清勁積學所以體要道力文所以會雅正徇公滅私吏不犯法擒姦獲伏人無閒言在邦則聞從政何有六遂分職四方作經思